

# Chars geniturs

Nus gratulain a Vus per la naschientscha da Voss uffant! Cun Naschì per leger vulain nus accumpagnar Vus e Voss uffant sin Vossa via cuminaivla en il mund da la lingua. A partir dal cumenzament ha Voss uffant plaschair d'udir il tun da Vossa vusch. Pauc pli tard sa legra el d'istorgias che Vus al raquintais u prelegiais. Perquai regala Naschì per leger in pachet da cudeschs a mintga uffant novnaschì en Svizra.

## Scuvrir ensemens pleuds ed istorgias

Guardar ensemens cudeschs da maletgs ha in effect positiv sin la relazion cun Voss uffant. Cun preleger a Voss uffant al dais Vus temp, creais intimitat e pudais mussar empatia. Ils pitschens han enorm gugent queste mument. Plinavant animesch a preleger la fantasia. Uschia scuvra Voss uffant la lingua ed il mund cun plaschair. Ils uffants che han pudì tadlar da pitschen regularmain istorgias, han en general in stgazi da pleuds pli grond e main difficultads d'emprerender da leger.

## Crescher si cun cudeschs

Las indicaziuns suandantas As dattan ina survista: en tge vegliadetgna circa s'interessa Voss uffant per tge e tge abilitads sa sviluppan en quel mument. Quai n'en betg criteris generals. Mintga uffant è individual.

## 6 mais

Voss uffant po tegnair il cudesch enta maun e morder lién. Pon ins mangiar questa chaussa curiosa? Co gusta ella? Tge furma ha ella, tge structura? Fa il cudesch ramurs? Ha el in'odur speziala? Voss uffant po era gia distinguere colurs vivas.

## 12 mais

Voss uffant contempla pli attentamain l'object en ses mauns. El sa ussa che quai è in cudesch. El ha plaschair da la persuna creschida che guarda ensemens cun el il cudesch e che prelegia ad el. Voss uffant po distinguere maletgs. Forsa sblatscha el ils mauns, sch'el reconuscha in maletg. El cumenza a chapir, schebain ils maletgs èn cun il chau ensi u cun il chau engiu.

## 18 mais

Il cudesch è in object enconuschten per Voss uffant. El porta il cudesch cun sai, emprova da sfegliar e mussa cun il det sin il maletg. El smina co ch'i fiss da guardar ils maletgs, era sch'el tegna mintgatant il cudesch cun il chau engiu. Voss uffant vul che Vus al prelegias il cudesch. Quai mussa el a Vus en sia atgna moda.

## 24 mais

Voss uffant sfeglia ina pagina suenter l'autra. El di ils pleuds ch'el vesa sin ils maletgs. El finescha las frasas ch'el cumenza. El repeta curtas passaschas da l'istorgia che Vus al avais raquintà e «prelegia» cedeschs a sias poppas, ad animalets da stoffa u al giat. El inventa atgnas istorgias. El po sa concentrar pli ditg.

## 36 mais

Voss uffant sa già bain co tractar in cudesch. El taidla attentamain las istorgias che Vus al raquintais e prelegiais e remartga mintga divergenza. L'uffant «prelegia» a sasez il cudesch u tscherna las paginas ch'al interessan il pli fitg.

## Pli tard

Voss uffant ha ussa già in fitg bun dun d'obsevar. El po s'imaginar chaussas. El sa regorda da las istorgias che Vus avais raquintà e prelegi. Savens vul el repeter quai ch'el ha gist udì cun agens pleuds. El fa dumondas che animesch discurs cun Vus.

## Ils cudeschs en Voss mintgadi da famiglia

Prendai avunda temp per scuvrir in cudesch ensemens cun Voss uffant. Dai a Voss uffant la chaschun da guardar maletgs en tutta ruassailladad ed entrai sin ils interess da l'uffant. Dai a Voss uffant la pussailladad da sfegliar sez, da far dumondas e da discutar cun Vus.

## Bainvegni en biblioteca

En biblioteca chattais Vus e Voss uffant cudeschs che Vus pudais scuvrir da cuminanza. Bleras bibliotecas organiseschan occurrentas per uffants pitschens. I vegn chantà, ditg si versets, prelegi istorgias. Vus pudais participar ed As laschar inspirar.

## Naschì per leger

Naschì per leger vegn realisà en tut la Svizra ensemens cun la fundaziun Bibliomedia Svizra e l'Institut svizzer Giuventetgna e Medias ISGM.

[www.bibliomedia.ch](http://www.bibliomedia.ch)

[www.sikjm.ch](http://www.sikjm.ch), [www.isjm.ch](http://www.isjm.ch), [www.ismr.ch](http://www.ismr.ch)

Ulteriuras infurmaziuns: [www.buchstart.ch](http://www.buchstart.ch),

## Romanisch / Romanche / Romancio / Rumantsch



Buchstart  
Né pour lire  
Nati per leggere  
Naschi per leger